



**Eid-E-Milaadun Nabi Manane  
Ki Ibteda Kab Huyi..?**

**Is Bareme Khud Ka Berelwi  
Ulama Ka Aqwal**

# MEELAD-UN-NABI ﷺ MANANE KI IBTEDA KAB HUI? ISS BAARE ME BARELWI ULAMA KE AQWAL

---

**TAHREER: Hafiz Muhammad Shahed.**

Murawwaja Jashne Eide Meelad-un-Nabi ﷺ ki Qur'an wa Hadees me Koi Asal Nahi, iski ibteda (starting) chauhti (4th) sadi Mein hui, sabse pahle Naam ni had Fatimi shi'yon Ne Ye jashan Manaya. Ye apne aapko fatimi kahkar Ahle baith ki taraf apne aapko mansoob karte the, halanke Musalamno se Aur Ahle Baith se inka koi talluq Nahi tha,

Inn Fatimi Khulafa Ke Taqreeban 200 Saal ke baad "Malik Muzaffar Abu Sa'eed Kawkaboori (Al-Mutawaffa:630H) Naami Badshah Jo Ek

Ayyash aur Badaqlaq Badshah thaa, Issne Milad  
Manane Ki Ye bid'ath Musalmano Mein Rayej  
Ki.

Qairul Quroon (Sahaba, Taba'een, Taba  
taba'een) Ke Sunehre Adwaar Mein Iss bid'ath  
Ka Naam o Nishaan bhi Na thaa.

Hum iss Tahreer Mein Meelad Manane waalo  
Ke Mo'tabar Ulama Ke Hawale Naqal karrahe  
hai, Jinhein Ye Aiteraaf kiye baghair Koi  
Chaara Na tha ke Meelad-un-Nabi, Sahaba,  
tabae'een aur taba Taba'een Ne Nahi Manayi.  
Balke Ye baad ki Ijaad Hai.

1) MUFTI AHMED YAAR KHAN NA'EEMI  
KA AITERAF KE KHAIRUL QUROON KE  
TEENO ZAMANO ME MILAD KISI NE  
NAHI MANAYA:

Barelwi Hazraath ke Bahut badhe Aalim Jinhein  
Barelwi Hazraath Ne Imame Ahle Sunnat Aur  
Hakeem-ul-Ummat Waghairah Ke Alqabaath Se  
Nawaza Hai, Mufti Ahmed Yaar Khan na'eemi  
Barelvi gujraathi Apni Kitab Mein likhte hai:

"لم يفعله أحد من القرون الثلاثة انما حدث بعد"


"Yani ye meelad shareef teeno zamano (khairul  
quroon) Mein kisi ne Na Kiya, ba'd me IJAAD  
hua". (Dekhiye:Ja Al-Haq, Safa no.243)

SCAN PAGE:

# رضا خانی مفتی احمد یار کا اقرار عید میلاد کو نبی ﷺ نے منایا نہ صحابہ کرامؓ نے منایا اور نہ تابعینؓ نے کبھی منایا

بریلوی رضا خانی مفتی احمد یار نعیمی بریلوی لکھتا ہے:

”میلاد شریف تینوں زمانوں میں کسی نے نہ کیا بعد میں ایجاد ہوا۔“ [جاء الحق: صفحہ نمبر: 243]



## 2) GHULAM RASOOL SA'EEDI BARELWI KA AITERAAF KE SAHABA AUR TABA'EEN NE MAHFILE MEELAD MUNA'QID NAHI KIYA:

Barelwi Hazraath ke Ye bhi Bahut badhe  
Aalime deen Hai jo Pakistan ke the, jinhein ye  
log Mufassir Aur Muhaqqiqe Islam Waghairah  
Ke Naam Se Yaad Karte hai,

Janab Ghulam Rasool Sa'eedu Barelwi Apni  
sharah me likhte hai:

"Salaf e Saliheen Ya'ni Sahaba Aur taba'een ne  
MAHAFILE MEELAD Muna'qid Nahi ki, ye  
Baja Hai (yani Ye Baath sahi)." (Dekhiye:  
Sharah Sahih Muslim, jild no.3, Safa no.179)

SCAN PAGE:



بریلوی رضا خانی مولوی علامہ غلام رسول سعیدی بریلوی لکھتا ہے:

”ثانیاً گزارش یہ ہے کہ سلف صالحین یعنی صحابہ کرام اور تابعین نے محافل میلاد نہیں منعقد کیں، بجا ہے۔“

[شرح صحیح مسلم: جلد 3: کتاب الصیام: صفحہ نمبر: 179]

7

### 3) ABDUL SAMI ANSARI BARELWI KA AITEEAF KE MEELAD MANANE KA AAGHAZ 6TH SADI KE AAKHIR MEIN HUA:

Barelwi Hazraath ke nazdeek inka muqam bhi bahut bada hai, Abdul samee' Rampuri Barelvi Apni MashHoor Kitab Anvare sati'a Mein yun Aiterafe Haqeeqat Karte Hain:

"Ye saamane farhat wa sarwar aur wo bhi Makhsoos Mahine Rabiul-Awwal ke Saath aur Isme Khaas wahi baarwa (12th wa) din Meelad Shareef ka Mu'yyan (fix) Karna, Ba'd me Hua Yani chethi (6th) Sadi Ke Aakhir Mein."  
(Dekhiye: Anware Sati'ah, Safa no.267)




## SCAN PAGE:

### رضا خانیوں کا اقرار عید میلاد چھٹی صدی میں ایجاد ہوئی

بریلوی رضا خانیوں کا مولوی عبد السمیع انصاری لکھتا ہے:

”یہ سامان فرخت و سرور کرنا اور اس کو بھی مخصوص شہر ربیع الاول کے ساتھ اور اس میں خاص و بی بار حوال دن میلاد شریف کا معین کرنا بعد میں ہوا یعنی چھٹی صدی کے آخر میں اور اول یہ عمل ربیع الاول میں کرنا تخصیص اور تقیسن کے ساتھ شہر موصل ہوا کہ ایک شہر ہے ملک عراق میں، وہاں ایک متقی دیندار شیخ عمر جو صلحاء و روزگار سے تھے انہوں نے یہ عمل ایجاد کیا۔“

[انوار ساطعہ: صفحہ نمبر: 267]



#### 4) TAHER-UL-QADRI KA AETERAF KE SAHABA AUR TABA'EEN NE JASHNE MEELAD NAHI MANAYA:

Taher-ul-Qadri ko kon nahi jaanta hai, Barelwi Hazrath inhein Shaikh-ul-Islam Ka laqab diye huein Hai, taher-ul-qadri Sahab ne apni MashHoor Kitab "Meelad-Un-Nabiﷺ" ke Andar Poora ek Baab qayem Kiya ke "Quroone Oola (Sahaba, Taba'een Aur Taba taba'een) Ke Musalmano Ne Jashne Meelad Kiyun Nahi Manaya?" ( Dekhiye:Meelad-un-Nabiﷺ:Dr.Taher-ul-Qadri, Safa no.451,minhaj-ul-quran publications.)

SCAN PAGE:

## باب ہفتم



قرونِ اُولیٰ کے مسلمانوں نے  
جشنِ میلاد کیوں نہیں منایا؟

[www.MinhajBooks.com](http://www.MinhajBooks.com)

Taher-ul-qadri ka ye baab Kayam karna iss  
baath ki wazeh Daleel hai ke barelwi hazraath  
ke Shaikh-ul-Islam Ke Nazdeek khairul Quroon  
Ke Musalmano Ne Jashne Meelad-un-Nabi ﷺ  
Nahi Manayi.

Mazeed Barelwiyo ke Shaikhul islam Tahir-ul-  
Qadri Apni isi kitab ke safa no.403 par Abdul  
Haq Dahelwi aur Yousuf bin Ismayeel Ka Qaul  
Naqal karte Hue likhte hai : "(Wo) Farmate  
hain: Mahfile Meeladun Nabi ﷺ Quroone  
Salasah ( Sahaba, Taba'een Aur Taba Taba'een  
Ke Adwaar) Ke Ba'ad Sirf Nek Maqasid Ke  
Liye Shuru Hui.."

SCAN PAGE:

۱۳۳۸-۱۵۱۷ء)، شیخ عبدالحق محدث دہلوی (۹۵۸-۱۰۵۲ھ/۱۵۵۱-۱۶۳۲ء) اور  
 امام یوسف بن اسماعیل مہمانی (۱۲۶۵-۱۳۵۰ھ) فرماتے ہیں:

وإنما حدث بعدها بالمقاصد الحسنة، والنية التي للإخلاص  
 شاملة، ثم لا زال أهل الإسلام في سائر الأقطار والمدن العظام  
 يحتفلون في شهر مولده ﷺ وشرف وكرم بعمل الولائم  
 البلدية، والمطاعم المشتملة على الأمور البهية والبلدية،  
 ويتصدقون في لياليه بأنواع الصدقات، ويظهرون المسرات  
 ويزيدون في المبرات، بل يعتنون بقرابة مولده الكريم، ويظهر  
 عليهم من بركاته كما فضا عظماء (۱)

” (حفل میلاد النبی ﷺ) قرون ثلاثہ کے بعد صرف نیک مقاصد کے لیے

- (۱) ۱۔ ملا علی قاری، المورد الزوی فی مولد النبی ﷺ ونسبہ اسرار، ۱۳، ۱۲
- ۲۔ قسطلانی، المواہب اللدنیہ بالمنح المحمدیہ، ۱: ۱۳۸
- ۳۔ صالحی، سبیل الہدی والرشاد فی سیرۃ خیر العباد ﷺ، ۱: ۳۶۲
- ۴۔ حلی، إنسان العیون فی سیرۃ المؤمن المامون، ۱: ۸۴
- ۵۔ عبدالحق، ما ثبت من السنۃ فی آیام السنۃ: ۶۰
- ۶۔ زرقانی، شرح المواہب اللدنیہ بالمنح المحمدیہ، ۱: ۲۶۱، ۲۶۲
- ۷۔ اسماعیل حق، تفسیر روح البیان، ۹: ۵۷
- ۸۔ أحمد بن زینی دحلان، السیرۃ النبویہ، ۱: ۵۳
- ۹۔ نبہانی، حجة الله على العالمين فی معجزات سيد المرسلين ﷺ، ۲۳۳، ۲۳۴
- ۱۰۔ نبہانی، الأنوار المحمدیہ من المواہب اللدنیہ: ۲۹

[www.MinhajBooks.com](http://www.MinhajBooks.com)

منہاج انٹرنیٹ بیورو کی پیشکش

میلاد النبی ﷺ

﴿ ۳۰۴ ﴾

شروع ہوئی اور جہاں تک اس کے انعقاد میں نیت کا تعلق ہے تو وہ اخلاص پر



## 5) ILYAS ATTARI QADRI RAZWI BARELWI KA AITERAF:

Ilyas Attari Qadri Razvi Jinko Barelwi Hazraath Ameer Ahle Sunnath Kahte hai, inka bayan bhi mulaheza ho youtube par

Link : <https://youtu.be/cIVlDmrPgaU>

Iss video Mein sawal kiya gaya ke kiya sahaba kiram, taba'een aur tabe taba'een ke Adwar me Murawwaja jashne Eid meeladunnabi ﷺ manaya jaata tha??

Ilyas attari qadri razwi Ne jawab diya:

"Har kaam me ye daleel nahi dekhi jaati hai ke Sahaba Kiram (Razi Allahu anhum) ne Wo kaam (yani eid meelad) kiya ya nahi".

Mere bhaiyyo! Sawal karne waale ne sirf ye sawal kiya ke Sahaba, taba'een aur taba taba'een ke Bahtareen adwaar Mein Meelad manaya jaata thaa? Agar ilyas attari sahab ka ye mauqif hota ke sahaba k zamane me bhi milad manayi jaati to wo fauri jawab dedete the ke haan ye usi daur se chalta aaraha hai, iss video mein attari sahab itni Mahnath Wa Mashaaqqat Sirf isliye karrahe hai, kiyunke Ye Talkh Haqiqath Maane baghair unhein koi chaara hi Nahi ke Nabi ﷺ Se lekar Taba taba'een ke Daur tak Murawwaja meelad-un-Nabi ﷺ Ka wujood Hi Nahi thaa, Balke ye baad ki bid'ath Hai.

6) SYED RIZWAN PASHA QADRI KA  
ETERAF KE SAHABA NE JASHNE  
MEELAD NAHI MANAYA:

Syed rizwan pasha qadri Kurnool ke hai aur  
abhi Hyderabad (india) Me kaam karrahe hai,  
Hyderabad Ke Ye MashHoor Muqarrir hai, To  
aayiye inki zubani sunte hai.

Syed rizwan pasha qadri Apne ek bayan Mein  
Sayyiduna Abubakr, Sayyiduna Umar,  
Sayyiduna Usman, Sayyiduna Ali, Sayyiduna  
Hasan Razi Allahu anhum Ka Naam Lekar Iqrar  
Kiya Ke In buzurgon Ne Meeladun Nabi Nahi  
Manaya,

Syed Rizwan pasha qadri Kahte Hai: "Mere  
Dosto Iss baath Ka hum iqrar Karte Hain Ke In

buzurgon (Sahaba) Ne Meelad Nahi Kiya". (Iss Bayan Ki Link Neeche Hai.)

Link :

<https://youtu.be/ZviqWuj2zCg> (1 Min 23 sec se Suniye)

Iss tarah ke Aur Bhi dalayel jo barelwi ulama ke zubano se Haq Nikla hai wo Aap youtube par dekhsakte hai, bahut se inke ulama ne Iss tarah ka unwan "SAHABA NE EID MEELAD KIYUN NAHI MANAYA?" Qayem Karke Ye sabith kiya hai ke Sahaba ke daur me kisi ek Sahabi ne bhi meelad Nahi manaya.

**BARELWI ULAMA KE ISS AITERAF (KE SAHABA,TABA'EEN WAGHAIRAH KE ADWAAR ME MEELAD NAHI MANAYA JAATA THA) SE KIYA SABITH HOTA HAI?**

Barelwi Hazraath ke bade bade ulama ka apni kitabon me Barmala Ye likhna Aur Bayanaath Me Ye kahna ke Sahaba, taba'een aur taba Taba'een Ke Adwaar me meelad Nahi manaya jaata thaa balke ye baad me ijaad hua hai, iss baath se bahutsi Chizen Wazeh hoti hai, Wo hum yaha Zikr Karrahe Hain:

1. Barelwi Ulama ka Iss iqrar ke baad Ye pata chala ke Nabi Alaihissalam Aur Sahaba, Taba'een aur taba taba'een waghairah Rabi-ul-Awwal ke mahine Mein ya iss ki kisi bhi tareekh Ko Nabi ﷺ ki paydayesh Ke Naam Par Jashn Nahi Manate The, Aur In khairul quroon Mein Meelad Na manane walo mein Imam Abu hanifa bhi aagaye,

2. Barelwi Ulama ka iss Aiteraf ke baad pata chala ke Nabi ﷺ, Sahaba, Taba'een Waghairah



Rabiul Awwal Me Nabi ﷺ ke paydayesh ke din  
ko Eid Nahi Kahte The,

3. Rabiul Awwal ki 9 tareekh ko ya 12 tareekh  
ko Sahaba Naye Kapde Nahi Pahente the Aur  
Na Hi Nabi ﷺ Ne Isska hukm diya hai,

4. RabiulAwwal ke Mahine me Sahaba  
waghairah Nabi ﷺ ki paydayesh ki khushi mein  
Cake Nahi kaatTe the,

5. Barelwi Ulama Ki gawahiyo Se ye bhi pata  
chala ke Rabiul Awwal ke kisi bhi Tareekh ko  
Nabi ﷺ Ki Paydayesh ke naam par Sahaba kram  
Razi Allahu anhum aur taba'een Julooos Nahi  
nikaalte the, Jhandiya Nahi lagate the, Gharon  
aur sadko ko Nahi sajaate the,

Ye to barelwi ulama ke aqwaal se malum  
Horaha hai, Lekin jab Hum (Ahle hadees) yahi  
baatein Innse kahein to ye meelad manane  
waale Hum par gustakhe Rasool Ki Tohmath  
Laga dete hai.

**WO BARELWI ULAMA JO MEELAD  
MANANE KE DALAYEL QURAN WA  
HADEES MEIN BATARAHE HAI, UNSE  
HAMARE KUCH SAWAL:**

Ab sawal ye paida hota hai ke jo barelwi ulama  
Awaam ko meelad manane k dalayel quran o  
hadees se pesh karrahe hai to Hamara sawal  
unse ye hai ke Jab Nabi ﷺ ke zamane Se lekar  
Taba taba'een ke zamane tak Iss meelad ka  
Wujood hi nahi hua thaa to Quran o hadees me  
Meelad Manane ka Hukm Kaise Hosakta hai??

Barelwi Hazraath Jo Sureh Al-younus Ki Ayat Pesh karke Meelad par jashan manana sabith karte hai, to Hamara sawal hai ke Ye ayat to Nabi ﷺ, Sahaba , taba 'een, Aur taba taba'een Ne Bhi padhi Isske bawa jood Inn mein se kisi Ne Bhi jashn Kiyu Nahi manaya?? (Isska matlab iss ayat ka ghalat matlab bayan karke barelwi ulama awaam ko dhoka derahe hai.)

Barelwi Hazraath Sunan Nisayi waghairah ki ek riwayat Se ye sabith karrahe hain ke Sahaba ne Rabiul awwal ko Nabi ﷺ Ki Paydayesh ke din Jashn meelad Manaya, to Hamara sawal Hai Ke Jab Aapke bade bade ulama ne gawahiyan dedi Ke Sahaba ne eid Meelad nahi manaya to Aap ye dalayel Kaise pesh karrahe hai?? Kiya aapke wo ulama jhoote hain?? Ya Shareh hadees hone ke bawajood bhi iss hadees ka ilm Unhein Nahi tha?? (Isska matlab jo riwayat pesh ki jaarahi

hain Wo meelad manane ke talluq se bilkul bhi nahi hai.)

Barelwi Hazraath ek Mauzu (Jhooti) Riwayath se sabith karte hain ke Nabi ﷺ Ki Paydayesh ke din jhandiya lagana sabith hai aur isi tarah Iss din julus nikalna, Paise kharch karke sajana waghaira ke dalayel dete hai, To ham kahna chahte hain k aap ke Bade bade ulama Ne to isska inkaar kiya hai, (isska Matlab Daal me kuch kaala hai.)

## **BARELWIYO KI EK NAATH KE TANZIYA JUMLO KI ZADD ME BARELWI ULAMA:**

Barre sagheer Me chand saalo se aap Barelwi hazraath se ye naat bahut zyada sunrahe honge, uss naath mein ka ek tukda iss tarah hai:

Nisaar teri chehal pehal pay hazaron eidain  
Rabil-ul- awwal, Siwaye iblees k jahan mein  
sabhi tou khushiyaan mana rahay hain.

Iss jumle Se ye baath wazeh horahi hai ke Jo Jo  
bhi Rabiul Awwal ke mahine me Nabi ﷺ Ki  
Paydayesh ke Din Jashn Meelad Nahi manata,  
jhandiya Nahi lagata, murawwajah khushiyo ke  
naam Par Juloos Nahi nikaalta To Wo IBLEES  
Hai,

Mere Bhaiyyon Aur Bahno! Agar aap bhi  
Meelad-un-Nabi manate hai, iss din ko eid  
samajhte hai aur wo tamam ajeeb o ghareeb  
kaam karte hai jo Aaj nabi ki mohabbath ke  
naam par kiya jaaraha hai, to Yaad rakhlijiye Is  
naath ke Tanziya aur kadwe jumle Ne Tamam  
Sahaba, taba'een aur taba taba'een Par tanqeed  
kardi. (Na'oozubillah), Aur iss jumle ki zadd me



Hanfiyo ke Imame Azam Abu hanifa Bhi aajate hai, balke Charo Aemma bhi aajate hai.

Jo log subah o shaam Ahle hadeeso ko gustakhe Rasool Aur Gustakhe Auliya Ki Tohmat lagate rahte hai, unnke sirf isi jumle Ki Zadd Me khud Barelwi Aur tamam meelad manane waale Aajate hai, iss jumle me Na Sirf Nabi ﷺ Ki Gustakhi Hai balke tamam sahaba, taba 'een, taba taba'een aur Aemma muhaddiseen ki bhi Gustakhi hai, kiyunke Inn sab logo Ne Nabi ﷺ Ki Paydayesh ke Din Koi jashn, koi juloos, koi jhandiya, Aur koi murawwaja khushiyan Nahi Manayi aur Na kisi bhi tarah Se aap ﷺ ka meelad manaya.

Kiya Ab bhi Ye Barelwi hazraath aur Meelad Manane waale Kahenge Ke Siwaye iblees k jahan mein sabhi tou khushiyaan mana rahay hain??

Allah humsabko Hidayat ata  
farmaye.Aameen!!!